



Republika e Kosovës  
Republika Kosovo – Republic of Kosovo  
ORGANI SHQYRTUES I PROKURIMIT  
TELO ZA RAZMATRANJE NABAVKE  
PROCUREMENT REVIEW BODY



**RAPORTI I EKSPERTIT SHQYRTUES**

<i>Sahit Beqiri - Ekspert Shqyrtues</i>	<i>Data e autorizimit të ekspertit: 15.06.2022</i>	<i>Data e dorëzimit të raportit: 20.06.2022</i>	<i>Nr. i lëndës: 167/22</i>
---	--	---	-----------------------------

**BAZA LIGJORE E SHQYRTIMIT**

Me datën: **27.05.2022**, grupi iOE ankues: **“AGS Corporation” Sh.p.k. & PK D.o.o., Prishtinë**, ka parashtruar ankesë me nr.: **167/22**, kundër **B58 njoftimit mbi vendimin e AK, (vendimit për dhënie të kontratës)**, lidhur me aktivitetin e prokurimit: **“Furnizim me Rimorkio për kamion për nevoja të FSK-së”**, me nr. të prokurimit: **217-22-1493-1-1-1**, iniciuar nga Autoriteti Kontraktues (AK): **Ministria e Mbrojtjes**.

Autoriteti kontraktues ka zbatuar **procedura e hapur**, lloji i kontratës: **Furnizim**, vlera e parashikuar e kontratës: **310.000,00 €**

**Shënim:** Ju njoftoj se lidhur me këtë aktivitet të prokurimit, nuk është nxjerr ndonjë vendim nga OSHP-ja.

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/L-068, dhe Ligjin 05/L-092, Eksperti Shqyrtues i ka shqyrtuar pretendimet ankimore të OE ankues.

**DISPOZITAT E SHKELURA DHE PRETENDIMET ANKIMORE NGA OE: “AGS Corporation” Sh.p.k. - Prishtinë**

*(Të përshkruhen dispozitat e shkelura dhe vetëm pikat e ankesës).*

Neni 1 i LPP-së  
Neni 7 i LPP-së  
Neni 10 i LPP-së  
Neni 11 i LPP-së  
Neni 28 i LPP-së  
Neni 59 i LPP-së  
Neni 60 i LPP-së  
Neni 69 i LPP-së  
Neni 72 i LPP-së  
Neni 108/A – i LPP-së

**Deklarata detale mbi faktet dhe argumentet:**

Te nderuar ne me dt. 13.05.2022 përmes platformës elektronike e-prokurim jemi njoftuar me njoftimin mbi vendimin e AK-se, ku është rekomanduar për kontrate OE Ideal Shala B.I., ndërsa ne jemi shpallur si tenderues të eliminuar me arsyetimin se: Tenderi juaj është refuzuar për këto arsye: I pa-përgjegjshëm nuk ka plotësuar minimumin e kërkesave të përcaktuara ne DT dhe ne njoftimin për kontrate sepse:

- Specifikimet teknike të detyrueshme (aneksi 1) nuk përputhen komplet me specifikimet teknike (aneksi 1) të kërkuara ne DT (te rimorkio 30t te ngjyra, te rimorkio 20t t epesha bruto nuk është ne përputhje me specifikim teknik të kërkuar ne DT
- Te ngarkesa nuk është ne përputhje me specifikim teknik të kërkuar ne DT
- Te ngjyra: është kërkuar ngjyra e gjelbër ushtarake RAL 6031 ne katalog s’ka kod shkruan vetëm olive green.

- Te anësoret: 2x ramp atë ngarkimit me thyerje te gjata 2400+1800x700mm (+5) nuk është ne përputhje me specifikim teknik te kërkuar ne DT.
- Te Cikrik: Mounting bolt pattern: Universal Standart nuk e ka ne katalog ofertuesi
- Te pajisjet: dy jastëkë pyke për rrotat e rimorkios qe peshoje për rrotat e rimorkios qe peshoje me shume se 10 me kllapat e përshtatshme ne pjesën e jashtme te rimorkios nuk e ka ne katalog ofertuesi

#### **Te sqarimet plotësuese dhe te detyrueshme mungojnë:**

- Rimorkiot duhet te jene te prodhuara me standarde te BE-se
- OE fitues para porositjes se pozicionit obligohet te bëjë koordinim paraprak qe rimorkiot te përshtaten me automjete e FSK-se (ne lartësi, gjatuesi dhe gjerësi sa i përket biges)

Fillimisht ju sqarojmë se ne me dt. 16.05.2022 kemi kërkuar qasje ne dokumente te OE te rekomanduar për kontrate, kurse AK-ja nuk na ka lejuar qasje te plote ne ofertën e OE te rekomanduar për kontrate.

Ju sqarojmë se arsyet e AK-se për eliminimin tone nga ky aktivitet i prokurimit janë te paqëndrueshme për faktet si ne vijim:

Ne arsyen e pare te eliminimit është cekur si e vijim:

Specifikimet teknike te detyrueshme (aneksi 1) nuk përputhen komplet me specifikimet teknike (aneksi 1) te kërkuara ne DT (te rimorkio 30t te ngjyra, te rimorkio 20t t epesha bruto nuk është ne përputhje me specifikim teknik te kërkuar ne DT

Te ngarkesa nuk është ne përputhje me specifikim teknik te kërkuar ne DT

Te ngjyra: është kërkuar ngjyra e gjelbër ushtarake RAL 6031 ne katalog s'ka kod shkruan vetëm olive green.

Ju sqarojmë se arsyetimi i lartcekur i AK-se, është i pa bazuar për faktin se kërkesë e dosjes se tenderit ka qene “rimorkio 20t dhe është kërkuar pesha bruto 24000 – 26000 kg”. Ne lidhje me këtë kërkesë janë kërkuar sqarime shtese gjate fazës se tenderimit nga një operator ekonomik, ku i njëjti ka parashtruar pyetjen, se a lejohet te ofertohej me peshe me te mëdha se sa pesha e kërkuar ne dosje te tenderit me arsyetimin e shpërndarjes se ngarkesave ne tri akse. AK-ja ne përgjigjen e saj e ka cekur se lejohet te jete pesha edhe me e madhe se sa qe është kërkuar.

Këto sqarimet e bëra nga AK-ja ligjërisht bëhen pjese e dosjes se tenderit, prandaj rezulton se ne kemi ofertuar sipas kërkesave te dosjes se tenderit dhe specifikimeve teknike.

Kur merret parasysh ky fakt, atëherë rezulton se ne jemi eliminuar nga ky aktivitet i prokurimit ne mënyrë te kundërligjshme dhe jemi diskriminuar ne këtë rast.

Ndërsa sa i përket arsyes se AK-se, për eliminimin tone ne lidhje me ngjyrën e rimorkios, ku e njëjta e ka cekur se ne katalog tek ngjyra nuk figuron kodi, mirëpo shkruan vetëm olive green, ju sqarojmë se edhe ky arsyetim i AK-se për eliminimin tone është i paqëndrueshëm dhe i pa bazuar.

Nëse analizohet specifikimi teknik, shihet se është kërkuar qe te ofrohet “Komponentët e celikut: te gerryer ne cilësinë SAE 2.5 – Shasi: E gjelbër ushtarake mat RAL 6031” ndërsa ne katalogun te cilin ne e kemi prezantuar ne oferte (Katalog PRS 360 fq. 1-6), shihet qarte se ngjyra e rimorkiova te ofruara nga ne, është prezantuar me komponentin e kërkuar SAE 2.5 dhe është ngjyre e gjelbër ulla. Përderisa ne kemi ofertuar me rimorkio qe dot e prodhohet dhe te njëjtat dot e përdoren ekskluzivisht për nevoja ushtarake, atëherë është obligative qe ngjyra e rimorkiova do te jetë mat e gjelbër ushtarake. Ju sqarojmë se ne këto rimorkio i kemi liferuar me pare për nevojat e FSK-se ne vitin 2019, ku te cilat janë pranuar me te njëjtat kriteret dhe ngjyre nga ana e AK-se. Prandaj ne këtë rast as nuk dot e ishte ngritur një dilemë e tillë nga ana e AK-së, sepse kane përvojë kompaninë tonë përkitazi me furnizimin e këtyre pajisjeve, e te cilat kane qene kualitative dhe sipas specifikave teknike.

Nëse eventualisht ka ekzistuar ndonjë dilemë nga AK-ja, përkitazi me ngjyrën atëherë kanë mundur te kërkojnë sqarime shtesë konforme dispozitave te nenit 59.2 dhe 72 te LPP-se, për te qartësuar gjendjen reale dhe me qellim te mos diskriminimit tone si OE i përgjegjshëm, ndërsa edhe ne këtë rast AK-ja nuk e ka ndërmarr një veprim te tille duke shprehur ne një mënyrë njëanshmërinë ne vlerësimin e tenderëve dhe njëkohësisht ne diskriminimit e kompanisë tone.

Arsye tjetre e eliminimit ka qene se kinse ne jemi te papërgjegjshëm për faktin se:

- Te anësoret: 2x ramp atë ngarkimit me thyerje te gjata 2400+1800x700mm (+5) nuk është ne përputhje me specifikim teknik te kërkuar ne DT.

Ne lidhje me arsyetimi e lartcekur te AK-se, ju sqarojmë se i njëjti arsyetim është ipa qëndrueshëm dhe i pabazuar për faktin se edhe ne lidhje me anësoret janë bere pyetje sqaruese drejtuar AK-se, ku një OE ka kërkuar qe te lejohet devijimi  $\pm 5\%$  nga këto specifika, ndërsa AK-ja te njëjtit ika kthyer përgjigje duke e sqaruar se lejohet devijimi i lartcekur. **(Bashkangjitur keni përgjigjet e AK-se ne pyetjet sqaruese)**. Edhe pse këto mund te konsiderohen devijime te vogla qe nuk shkaktojnë ndonjë ndryshim material sipas nenit 59.4 te LPP-së.

Përderisa AK-ja, ka lejuar devijimin e lartcekur, atëherë ne nuk është dashur te eliminohemi nga ky aktivitet i prokurimit, sepse siç e cekem edhe me lart përgjigjet e AK-së janë te vlefshme për te gjithë OE ofertues. Mirëpo edhe ne këtë rast nëse eventualisht AK-ja ka pasur ndonjë dileme, atëherë e njëjta ka mundur shume lëshetë te vërtetoj pretendimin tone ankimore, duke kërkuar sqarime shtese konforme dispozitave te nenit 59.2 dhe 72 te LPP-së.

AK-ja na ka eliminuar edhe për një arsye tjetre, ku e njëjta e ka cekur se:

- Te Cikrik: Mounting bolt pattern: Universal Standart nuk e ka ne katalog ofertuesi

Kjo arsye e eliminimit, është me te vërtetë joprofesionale dhe diskriminues, sepse bulonat e lartcekur, janë bulona standard e te cilët ne mendojmë qe është e panevojshme te prezantohen ne katalog, për faktin se bulona te tille janë te shumët dhe ka qindra lloje te ndryshme. Te gjitha masat dhe modelet e bulonave është e pa mundur, e panevojshme dhe e pakuptimte te prezantohen ne katalog, ndërsa vlen te ceket fakti se asnjë prodhues serioz nuk i paraqet ato ne katalogët e tyre zyrtare. Bulonat për te cilat AK-ja na ka eliminuar po i paraqesim me poshtë me foto, ku shihet qarte se bulona te tille janë te shumte ne mase dhe modelet te ndryshme dhe janë pjesë shumë te vogla qe zakonisht nuk përfshihen ne katalogë.



Zakonisht ne katalogë prezantohen pjesët kryesore te pajisjeve dhe vete pajisjet, mirëpo disa elemente qe nuk janë kryesore nuk prezantohen ne katalogë, mirëpo se a i prodhojnë këto pjese te vogla prodhuesit apo jo, mundet shume lehte te vërtetohet ne mënyra tjera, duke kërkuar sqarime shtesë apo ndonjë informacion tjetër. Autoriteti kontaktues ne raport me kompaninë tone nuk e ka përdorur fare dispozitën e nenit 59.2 dhe 2 te LPP-se, për te qartësuar ndonjë dilemë eventuale, prandaj ky veprim i AK-së na bënë te dyshojmë se AK-ja ne mënyrë subjektive e ka krijuar bindjen për fituesin qysh ne fillim te vlerësimit dhe në këtë drejtim na ka diskriminuar neve si kompani serioze dhe e përgjegjshme ne këtë aktivitet te prokurimit.

Ne jemi eliminuar nga ana e AK-se edhe me një arsye tjetër, ku AK-ja e ka cekur si ne vijim:

- Te pajisjet: dy jastëkë pyke për rrotat e rimorkios qe peshoje për rrotat e rimorkios qe peshoje me shume se 10 me kllapat e përshtatshme ne pjesën e jashtme te rimorkios nuk e ka ne katalog ofertuesi

Arsyetimi i lartcekur i AK-se është vetëm një pretekst për te na eliminuar neve si OE te përgjegjshëm ne këtë aktivitet te prokurimit, për faktin se Pykat Jastëk janë pjesë – pajisje përcjellëse e te cilat vijnë obligativisht me rimorkio, pra te njëjtat janë pjesë obligative e rimorkios. Vlen te ceket fakti se pykat e njëjta janë dorëzuar nga ana jone me rimorkiot e liferuar ne vitin 2019 si pjese bazike obligative e rimorkiove. Gjithashtu edhe këto pjese te vogla nuk paraqiten te gjitha ne katalog, mirëpo dihet qe janë pjesë përbërëse e rrotave te rimorkios.

Edhe ne këtë rast, nëse eventualisht AK-ja ka pasur dilema ne lidhje me pajisjet e lartcekura e njëjta ka mundur edhe është dashur te kërkoj sqarime shtese konforme dispozitave te nenit 59.2 dhe 2 te LPP-së, mirëpo qe një veprim te tillë nuk e ka ndërmarr duke ne diskriminuar neve si OE te përgjegjshëm ne këtë aktivitet te prokurimit. Është për tu çuditur veprimi i AK-së për te mos kërkuar sqarime shtese nga kompania jonë për ndonjë kërkesë apo specifikim përkatës.

Po ashtu AK-ja tek njoftimi mbi vendimin e saj si arsye tjetër për eliminimin tone e ka cekur se:

**Te sqarimet plotësuese dhe te detyrueshme mungojnë:**

- Rimorkiot duhet te jene te prodhuara me standarde te BE-se
- OE fitues para porositjes se pozicionit obligohet te beje koordinim paraprak qe rimorkiot te përshtaten me automjete e FSK-se (ne lartësi, gjatuesi dhe gjerësi sa i përket biges)

Arsyeja e lartcekur e AK-së për eliminimin tone, sa i përket çështjes se rimorkiot duhet te jene sipas standardeve te BE-se, është e paqëndrueshme, për faktin se ne, me dosje te tenderit, kemi bashkangjitur edhe dokumentin: EC Izjava o suglasnosti PRS360-PRT360 – Deklaration of Conformity, me ane te se cilës shihet qartë qe rimorkiot e ofruara nga ana jone janë te prodhuara me te gjitha standardet e BE-se dhe i posedojnë te gjitha certifikatat e nevojshme. Për ne është e çuditshme se si AK-ja nuk i ka analizuar këto dokumente, mirëpo ka nxjerre vetëm arsyetime te cilat janë te paqëndrueshme, pasi qe nëse analizohet dokumentacioni ynë, kuptohet se ne e kemi ofruar deklaratën e konformitetit me ane te se cilës shihet se rimorkiot janë te prodhuara konform standardeve te BE-së.

Po ashtu ju sqarojmë qe anëtari i konsorciumit PK d.o.o. është prodhues i njohur i rimorkiove ushtarake dhe vjen nga një shtet qe është anëtarë i BE-së dhe rrjedhimisht është i obliguar qe ti plotëson te gjitha kriteret e prodhimit me standarde te BE-se. (Referojuni dokumentit me nr. rendor 18 – EC Izjava o suglasnosti PRS360-PRT360 si dhe dok. 21 – ISO Certifikata e prodhuesit) – Rimorkiot e tilla nga i njëjti prodhues janë dorëzuar ne FSK gjate vitit 2019.

Ndërsa nëse AK-ja ka pasur dilema ne lidhje me dokumentet e prezantuara nga ana jone, atëherë e njëjta ka mundur te kërkoj sqarime shtese konforme dispozitave te nenit 59.2 dhe 72 te LPP-së.

Ne lidhje me këtë kërkesë, vlen te ceket fakti se AK-ja po përdorë **standarde te dyfishta** ne këtë aktivitet te prokurimit, pasi qe ne edhe pse e kemi ofruar deklaratën e konformitetit jemi eliminuar nga aktiviteti i prokurimit, ndërsa OE i rekomanduar për kontrate ka ofertuar vetëm një deklaratë te tij (jo te prodhuesit) përmes se cilës vetëm deklaron se rimorkiot e ofruara do te jene te prodhuara me standarde te BE-se.

Pra AK-ja ne raport me OE e rekomanduar për kontrate, po e merr parasysh vetëm një deklaratë te OE e cila nuk është e lëshuar nga prodhuesi, ndërsa neve edhe pse kemi ofruar deklaratën e konformitetit, po na eliminon nga ky aktivitet i prokurimit.

Kur analizohet kjo paralele qe e tërheqim ne, atëherë rezulton se AK-ja e ka favorizuar hapur OE e rekomanduar për kontrate, ndërsa na ka diskriminuar neve si OE i përgjegjshëm.

Ne lidhje me këtë rast kërkojmë nga eksperti shqyrtues qe te analizoje ne detaje këtë pretendim dhe vihet ne përfundim te saktë se cili dokument është ne përputhje te plote me kërkesën e AK-së.

Nga autoriteti kontraktues, neve nuk na merret për baze deklarata e konformitetit, kurse OE te rekomanduar për kontrate i merret parasysh një deklaratë e përpiluar nga OE i rekomanduar për kontrate se rimorkiot janë te prodhuara me standarde te BE-se. Si ka mundësi qe ta dëshmoj OE i rekomanduar për kontrate një deklaram te tillë. Për me tepër OE i rekomanduar për kontrate nuk ka kompetence qe te beje një deklaratë te tillë përderisa nuk është prodhues. Nëse do te kishin një siguri te tille qe rimorkiot do te prodhohen sipas standardeve te BE-se atëherë prodhuesi do ta bënte një deklaratë te tille e jo OE i rekomanduar për kontrate qe nuk është prodhues.

Pra ne këtë raste neve nuk na merret parasysh dëshmia konkrete nga prodhuesi, kurse OE te rekomanduar për kontrate i merret parasysh një premtim i bere nga vete OE i rekomanduar për kontrate, madje ky premtim nuk është i bere as nga vete prodhuesi.

Ndërsa sa i përket arsyes tjetër te AK-se për eliminimin tonë, ne lidhje me kinse mungesën e dokumentit për përshtatjen e rimorkiove me automjetet e FSK, ju sqarojmë se me këtë arsyetim AK-ja edhe një here po tregon qartë diskriminimin e hapur qe i ka bere kompanisë tonë si OE te përgjegjshëm, pasi qe e njëjta sipas arsyes se lartcekur, po na jep te kuptojmë se nuk i ka analizuar ne tërësi dokumentet e prezantuara nga ana jone apo qëllimshëm nuk i merr për bazë. Nëse analizohet oferta jone edhe dokumentet e prezantuara nga ne, shihet qartë se ne e kemi ofruar deklaratën e veçante te nënshkruar dhe vulosur nga te dy anëtarët e konsorciumit, ku ceket qartë se ky konsorcium obligohet qe te bëjë koordinimin paraprak qe rimorkiot te përshtaten me automjetet e FSK-së.

Dokumenti gjendet ne ofertën tone, përkatësisht tek dokumenti nr. 23 me titull Deklarata e Kërkuara, mirëpo qe AK-ja nuk i ka analizuar fare këto deklarata duke na diskriminuar haptas neve si OE te përgjegjshëm. **(Referojuni Dokumentit 23 – Deklaratat e kërkuara).**

Andaj duke u bazuar ne faktet e lartcekura, shihet qarte se arsyet e AK-se për eliminimin tone nga ky aktivitet i prokurimit janë te paqëndrueshme, te pa bazuara dhe te pa mbështetura ne dispozita ligjore te LPP-së dhe te pa mbështetura ne fakte konkrete, mirëpo janë vetëm pretekst për te na eliminuar nga ky aktivitet i prokurimit edhe përkundër faktit se ne jemi OE i përgjegjshëm.

**Përveç diskriminimit te kompanisë tone, AK-ja ka rekomanduar për kontrate një OE i cili është i papërgjegjshëm për faktet dhe arsyet si ne vijim:**

OE i rekomanduar për kontrate është i papërgjegjshëm, për faktin se i njëjti ka bërë ndërhyrje ne katalogun e prodhuesit te cilin e ka prezantuar ne oferte. Nëse analizohet katalogu, përkatësisht faqet 2, 3, 4 dhe 5 i prezantuar nga i njëjti OE, shihet qartë se i njëjti ka kopjuar fotot e rimorkios nga dosja e tenderit dhe i ka vendosur si foto ilustrative ne katalog te cilin e ka prezantuar ne oferte.

Me poshtë po i bashkëngjisim disa nga fotot te cilat OE i rekomanduar për kontrate i ka kopjuar nga dosja e tenderit dhe i ka vendosur ne katalogun e prodhuesit:

#### Wheels & Tyres

12 pieces + 1 spare wheel, disc (wheel) steel with tire size R17.5, spare wheel mounted on the chassis in the lowering and raising mechanism.




Photo for illustration

[www.emsmakina.com](http://www.emsmakina.com)

Towing hook incorporated in the automatic helmet, in accordance with ECE 55-01, compatible with NATO standards  
Length of the bracket 1500 mm, 50 mm, height of placement in the hook of the truck 1200 mm.



Photo for illustration

[www.emsmakina.com](http://www.emsmakina.com)

Duke u bazuar ne faktet e lartcekura, shihet qarte se OE i rekomanduar për kontrate është i papërgjegjshëm, pasi qe ka ndërhyrje ne katalog, ndërsa dihet qe katalogu ofrohet nga prodhuesi dhe i njëjti duhet te jetë origjinal nga prodhuesi dhe jo te bëhet ndërhyrje dhe te shtohen foto te pajisjeve te cilat prodhuesi nuk i pasur fare ne katalog. Tek dëshmia e kërkuar dokumentare është cekur shume qarte se duhet te ofrohet **“Katalogu ose broshure – vetëm nga prodhuesi”**, ndërsa ne këtë rast OE i rekomanduar për kontrate ka ndërhyrë ne katalogun e prodhuesit me qëllim që të plotësojë kërkesën e dosjes se tenderit.

Ne nuk kemi bërë asnjë ndërhyrje ne katalogun qe na ka ofruar prodhuesi, pavarësisht qe nuk kanë qenë te përfshira ndonjë pajisje e vogël dhe për këtë arsye jemi eliminuar, kurse autoriteti kontraktues ka vepruar ne mënyrë favorizuese ndaj OE te rekomanduar për kontrate duke i tejkaluar këto parregullsi dhe ndërhyrje ne katalogun e prodhuesit.

Pra AK-ja ka përdorur standarde te dyfishta gjate ekzaminimit, vlerësimit dhe krahasimit te tenderëve, sepse mungesën e pjesëve te vogla ne katalogun e ofruar nga ne, e ka konsideruar shume te rëndësishme, ndërsa ndërhyrjen ne katalog nga ana e OE te rekomanduar për kontrate e ka llogaritur te rregulltë dhe normale.



OE i rekomanduar për kontrate është i papërgjegjshëm, edhe për faktin se ne dokumentet e prezantuar përkatësisht ISO certifikatat, ne asnjërin prej tyre nuk ceket që prodhuesi në fjalë është prodhues i makinerive dhe rimorkiove ushtarake, mirëpo ne të njëjtat figuron se i njëjti është prodhues vetëm i rimorkiove për përdorime civile, prandaj edhe për këtë arsye është dashur të eliminohet sepse rimorkiot civile dallojnë nga rimorkiot ushtarake.

I njëjti operator ekonomik është dashur të shpallet i papërgjegjshëm nga ana e AK-së, pasi që ky aktivitet i prokurimit është i rëndësishëm dhe ka të beje menevojat e FSK-se. Andaj përderisa AK-ja e ka rekomanduar për kontrate këtë OE, atëherë kuptohet qartë se AK-ja nuk po i kushton rëndësinë e duhur këtij aktiviteti të prokurimit kur është në pyetje OE i rekomanduar për kontrate pasi që fituesi i këtij aktiviteti të prokurimit me prodhuesin që oferton, duhet të posedojë përvojë në prodhimin e makinerive dhe rimorkiove ushtarake dhe të garantohet kualiteti i këtyre rimorkiove.

OE i rekomanduar për kontrate është i papërgjegjshëm edhe për faktin se i njëjti nuk ka ofruar konform kërkesave të përcaktuara tek Specifikat teknike të rimorkios 20t me 3 akse për bartje të automjeteve, ku një nga kërkesat ka qenë: **“OE duhet të ofroj manualin se paku në gjuhën angleze për përdorim dhe mirëmbajtje të rimorkios”**.

OE i rekomanduar për kontrate nuk e plotëson kërkesën e lartcekur, sepse nuk ka prezantuar në ofertën e tij **Manualin e përdorimit të pajisjeve**, andaj është dashur të shpallet i papërgjegjshëm nga ana e AK-së. Papërgjegjshmëria e OE të rekomanduar për kontrate vërehet haptas me mungesën e ofrimit të këtyre dëshmive, mirëpo AK-ja nuk ka ndërmarr veprime të tilla ndaj këtij operatori ekonomik duke favorizuar atë dhe duke e rekomanduar për kantatë.

OE i rekomanduar për kontrate ashtu siç edhe e kemi cekur edhe më lartë është i papërgjegjshëm edhe për faktin se i njëjti në lidhje me kërkesën - **Rimorkiot duhet të jenë të prodhuara me standarde të BE-se**. Këtë pretendim e kemi sqaruar më lartë tek arsyet e eliminimit të kompanisë tonë.

Deklarata e tillë nuk duhet të merret parasysh për faktin se e njëjta deklaratë nuk e vërteton me fakte konkrete se rimorkiot do të prodhohen sipas standardeve të BE-së, sepse e njëjta deklaratë është bërë nga vet OE i rekomanduar për kontrate dhe një deklaratë e tillë mund ta bëjnë të gjithë OE ofertues, mirëpo e njëjta nuk mund dhe nuk duhet të merret parasysh dhe nuk konsiderohet valide përderisa nuk lëshohet nga vet prodhuesi.

OE i rekomanduar për kontrate nuk ka ofruar as deklaratë për A-test apo ndonjë sqarim edhe pse ka qenë obligative të sqarohet dhe jepet të paktën një deklaratë në lidhje me këto A-teste, sipas Aneksit 1 të dosjes së tenderit.

Po ashtu ju sqarojmë se ne kemi bërë kërkesë për qasje të plote në dokumentet e OE të rekomanduar për kontrate konform nenit 10.3 të LPP-se, mirëpo që AK-ja nuk i ka respektuar dispozitat e nenit të lartcekur, për faktin se nuk na ka ofruar qasjen në të gjitha dokumentet e OE të rekomanduar për kontrate. OE i rekomanduar për kontrate ka plotësuar deklaratën për sekret afarist, ku e ka cekur se i tere dokumentacioni është sekret afarist.

Megjithatë neve na janë dhënë disa dokumente, mirëpo jo i tere dokumentacioni i OE të rekomanduar për kontrate.

Kërkesa e OE të rekomanduar për kontrate nuk i ka plotësuar kushtet e nenit 11.3 të LPP-së për tu konsideruar të gjithë dokumentacionin sekret afarist sepse nuk ka dëshmuar me ndonjë shkresë apo arsye se përse duhet të konsiderohet i tere dokumentacioni sekret afarist dhe nuk ka dëshmuar se për cilat dokumente mund të dëmtohet i njëjti operator ekonomik, nëse do të lejohet qasja në këto dokumente, prandaj AK-ja e ka favorizuar hapur OE të rekomanduar për kontrate dhe njëkohësisht e ka shkelur dispozitën e nenit 10 dhe 11 të LPP-së.

Në këtë rast, AK-ja është dashur të bëjë versionin e pastruar konform dispozitave të nenit 11.4 ku është përcaktuar qartë se: **“4. Autoriteti kontraktues që e ka klasifikuar një element të informatës si informatë sekrete afariste sipas paragrafit 3. të këtij neni, do të përgatit versionin e “pastruar” të çdo dokumenti, nëse elementi i tillë gjendet në dokumentin në të cilin po ashtu gjendet informacioni që nuk konsiderohet të jetë sekret. Versioni i tillë i pastruar duhet të përfshihet në materialin në të cilin ka qasje publiku dhe palët e interesuara sipas nenit paragrafit 3. të nenit 10 të këtij ligji”**.

Përderisa AK-ja nuk e ka bërë versionin e pastruar dhe nuk kemi pasur qasje në të gjitha dokumentet e OE të rekomanduar për kontrate, ne dyshojmë se OE i rekomanduar për kontratë është i papërgjegjshëm edhe për arsye të tjera, siç janë: dyshimi se i mungon autorizimi nga prodhuesi ose dileri i autorizuar. Po ashtu dyshojmë se të njëjtit i mungon edhe referencat dhe kontratat e punëve të kryera konform kërkesës së FDT-së dhe të njoftimit për kontratë.

Pasi që nuk na është lejuar qasje në dokumentet e të njëjtit OE ne po i parashtrijmë këto pretendime dhe kërkojmë nga ekspertit shqyrtues nxjerr konstatime me fakte konkrete në lidhje me këto pretendime tona ankimore, pra të analizohet në tërësi i tërë dokumentacioni dhe të konstatohet se a e ka autorizimin nga prodhuesi, nëse e ka a është konform FDT-së, a e ka listën e kontratave dhe referencat dhe nëse i ka a i ka konforme kërkesave të FDT-së.

Gjithashtu, dyshojmë në vërtetësinë e Walder Qualification Certificate (katër certifikata të tilla), prandaj kërkojmë nga ekspertët shqyrtues që të konstatohet edhe vërtetësia e këtyre certifikatave, sepse në dukje të pare duken ndërhyrje në këto certifikata.

Duke u bazuar në dispozitat e lartcekura shihet qartë se OE i rekomanduar për kontratë është i përgjegjshëm dhe si i tillë është dashur të konsiderohet edhe nga ana e AK-së, mirëpo që një veprim të tillë e njëjta nuk e ka bërë, duke shfaqur edhe një herë veprimin favorizues ndaj OE të rekomanduar për kontratë.

Në më datë 20.05.2022 kemi pranuar vendimin për refuzim të kërkesës për rishqyrtim, ku në këtë vendim nuk është dhënë asnjë përgjigje në pretendimet tona ankimore, por vetëm është cekur se refuzohet si e pa bazuar kërkesa për rishqyrtim, prandaj edhe ky fakt tregon qartë se kërkesa jonë për rishqyrtim dhe pretendimet tona ankimore kanë qenë të bazuara plotësisht dhe për këtë arsye AK-ja nuk ka mundur të jep përgjigje konkrete në lidhje me këto pretendime ankimore.

Mos arsyetimi i vendimit për refuzim përbën shkelje të nenit 108/A paragrafi 9 i LPP-së, sepse aty ceket decidivisht **“Refuzimi do të arsyetohet dhe do të komunikohet me shkrim, në përputhje me këtë ligj, parashtruesit të ankesës dhe të gjitha palëve të interesuara, nëse ka ndonjë”**.

Pra AK-ja nuk e ka respektuar edhe nenin 108/A të LPP-së, sepse nuk është arsyetuar fare vendimi për refuzim të kërkesës për rishqyrtim, e që ky veprim nënkupton se pretendimet tona ankimore kanë qenë të bazuara dhe me këtë rast edhe AK-ja në mënyrë implicite e ka pranuar këtë fakt, me mos dhënien e përgjigjeve në pretendimet tona ankimore.

Duke u bazuar në dëshmitë dhe faktet që u ceken me lartë rezulton se ekzaminimi, vlerësimi dhe krahasimi i tenderëve nuk është bërë në harmoni me nenin 59 të LPP-së dhe njëkohësisht nuk është respektuar edhe kriteri kryesor për dhënie të kontratës, e që ka qenë **tenderi i përgjegjshëm me çmim me të ulët sipas nenit 60 paragrafi 1.1 i LPP-së, sepse është rekomanduar për kontratë OE i cili është i përgjegjshëm**.

Gjithashtu AK-ja nuk e ka respektuar edhe nenin 7 të LPP-se, ku edhe pse i kemi plotësuar të gjitha kërkesat e FDT-se dhe të njoftimit për kontratë nuk jemi rekomanduar për kontratë. Paragrafi 1 i nenit 7 të LPP-se e parasheh qartë që **“Autoriteti kontraktues do të trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente**. Po ashtu paragrafi 6 i nenit 7 të LPP-se e parasheh që **Gjate udhëheqjes së aktiviteteve të prokurimit, të gjitha autoritetet kontraktuese do të sigurojnë: që (vi) që tenderi i zgjedhur të përputhet me të gjitha aspektet përmbajtësore të kushteve, kritereve dhe specifikimeve përkatëse**”, mirëpo AK-ja nuk i është përmbajtur as kësaj dispozite ligjore.

Në këtë rast, AK-ja ka vepruar në kundërshtim me këtë dispozitë sepse tenderi/OE i rekomanduar për kontratë nuk është në përputhje të plote me të gjitha kushtet përmbajtësore dhe specifikimet e kërkuara, prandaj është dashur të eliminohet OE i rekomanduar për kontratë.

Po ashtu autoriteti kontraktues nuk e ka pasur në konsideratë edhe nenin 1 të LPP-se, pasi që dihet se qëllimi i këtij ligji është të sigurojë mënyrën me efikasë, me transparente dhe me të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.

Duke u bazuar në dëshmitë që u ceken me lartë, kërkojmë nga OSHP që të merr:

## VENDIM

**APROVOHET**, ankesa e grupit të OE **“AGS Corporation Sh.P.K. & PK d.o.o.** si e bazuar

**ANULOHET**, njoftimi mbi Vendimin e AK-së për dhënie të kontratës dhe lënda kthehet në **RIVLERESIM**

**DETYROHET**, autoriteti kontraktues që gjatë rivlerësimit, ekzaminimit, vlerësimit dhe krahasimi i ofertave të bëhet në harmoni me kërkesat e dosjes së tenderit, njoftimit për kontratë dhe konform dispozitave të LPP-se.

Nëse nuk merren parasysh faktet tona, në jemi të detyruar të vazhdojmë procedurën ligjore në institucione tjera kompetente.

Pretendimet ankimore (dispozitat e shkelura nga AK), nuk janë të njëjta me kërkesa për rishqyrtim pranë autoritetin, pasi që në ankesën pranë OSHP ka shtuar **nenet 1, 10, 11, 69, 72 të LPP-së**, kurse

Deklarata detale mbi faktet dhe argumentet – nuk është të njëjta me atë të dorëzuar në kërkesën për rishqyrtim pranë AK-së, pasi që në ankesën pranë OSHP është plotësuar dhe ndryshuar.

## KRITERET PËR VLERËSIM

(Të vendosen vetëm kërkesa/kriteret që kanë të bëjnë me arsyet e eliminimit dhe/apo ato kërkesa që lidhen me pretendimet ankimore)

### III.2.4) Kapaciteti teknik dhe profesional

### Dëshmia e kërkuar dokumentare

#### Kërkesat:

Kërkesa 08 OE duhet të ofrojë dëshmi se ka përfunduar me sukses kontrata të natyrës së njëjte apo të ngjashme gjatë 3 (tri) vitet e fundit ( nga data e publikimit të njoftimit për kontrate) jo më pak se 400,000.00 euro

Kërkesa 09 OE duhet të paraqesë, tek Autoriteti kontraktues të paktën nga një foto për secilin produkt të ofruar, së bashku me një përshkrim të karakteristikave teknike të produkteve të lëshuara nga prodhuesi, me të cilën është e mundur vlerësimi i specifikave teknike të ofruara, siç kërkohet në specifikimet teknike (Aneksi 1) për të gjitha produktet që oferton

Kërkesa 10 OE ne rast se nuk është vet prodhues atëherë duhet të ofrojë dëshmi autorizimin nga prodhuesi apo dileri i autorizuar nga prodhuesi për shitje të këtyre produkteve

#### Evidencat:

Evidenca 08. OE duhet të ofrojë dëshmi a). Listën e kontratave të realizuara gjatë tri viteve të fundit ( nga data e publikimit të këtij njoftimit për kontrate) e nënshkruar dhe vulosur nga OE. b). Referencat ose fletet pranimit pranimit teknike në kopje të nënshkruar dhe vulosur nga Autoriteti për përkatës të cilat duhet të tregojnë, numrin e prokurimit ose kontratës, vlerën e kontratës , datën e nënshkrimit të kontratës, dhe vendin e realizimit. Vërejtje Asnjë kontratë nuk do të llogaritet nëse nuk është e bashkangjitur referenca pozitive ose raportet e flete pranimeve të furnizime shërbimeve puneve është bërë për një autoritet publik apo privat në Kosovë ose në një vend tjetër, për dëshmi duhet të dorëzohen fletëpranimit ose referencat (në referenca të jete e cekur vlera) të lëshuara nga autoriteti i tillë. Për referenca nga institucionet private duhet të dëshmohet qarkullimi bankar origjinal nga banka për vlerën referencës së prezantuar.

Evidenca 09 Katalogu ose broshurë- vetem nga prodhuesi  
Evidenca 10 Autorizimi duhet të jete me emër të projektit dhe numër të prokurimit për pjesët të këtij tenderi që oferton. Autorizim për shitje të lëshuar nga prodhuesi ose dileri i autorizuar për secilen pjesë që oferton

#### Aneksi 1 SPECIFIKIMET TEKNIKE TË DETYRUESHME

##### Sqarime plotësuese dhe të detyrueshme:

- Rimorkiot duhet të jenë të prodhuara me standarde të BE-së .
- OE duhet të ofrojë manualin se paku në gjuhën angleze për përdorim dhe mirëmbajtje të rimorkios.
- OE duhet të ofrojë katalogun e pjesëve të ndërrimit për të gjitha nivelet e mirëmbajtjes të përfshihen të gjitha komponentet. Katalogu të jete në versionin elektronik ose kopje fizike.
- ISO certifikata e prodhuesit të rimorkios.
- Certifikata e A-testit.
- OE duhet të ofrojë garancion 3 vjeçar për rimorkio.
- OE duhet të shpenzimet e veta do të kryej mirëmbajtjen – servisimin e rregullt përfshirë furnizimin me pjesët e nevojshme që nevojiten për mirëmbajtje – servisim gjatë periudhës garantuese min 37 muaj sipas manualit të prodhuesit.
- Servisimi i rregullt duhet të kryhet në kazemat e FSK-së me pjesë dhe shpenzime të OE ( përjashtimisht në rastet kur nuk mund të kryhet brenda kazermave, atëherë OE duhet ta bartë rimorkionin deri të servisi i tyre me shpenzime të veta).
- OE fitues para porositjes së pozicionit obligohet të bëjë kodrinim paraprak që rimorkiot të pershtaten me automjetet e FSK-së (në lartësi, gjatësi dhe gjerësi sa i përket bigës)

#### VËREJTJE;

**GJATË PËRGATITJES SË SPECIFIKACIONIT TEKNIK KA MUNDUR QË TË PËRMENDET EMRI I PRODHUESIT APO NDONJË ELEMENT ME EMËR TË CAKTUAR, MIRËPO PËR OFERTIM VLEJNË EDHE PRODUKTET ME SPECIFIKA TEKNIKE TË BARASVLERSHME DHE STANDARDE ME ATO TË DHËNA NË KETË DOSJE TË TENDERIT ( aneksi 1 specifikimet teknike të detyrueshme ) .**



## RAPORTI I KOMISIONIT VLERËSUES

*Duke u bazuar në raportin e vlerësimit, komisioni vlerësues ka konstatuar si në vijim: (Të përshkruhet vetëm vlerësimi i ofertës së OE ankues/ofertave, për të cilat OE ankues ka pretendime ankimore).*

### **Grupi i Operatoreve ekonomik AGS Corporation SH.p.k.; PK d.o.o.**

Specifikimet teknike të detyrueshme (aneksi 1) nuk përputhen komplet me specifikimet teknike (aneksi 1) të kërkuara në DT (të rimorkio 30t të ngjyra, të rimorkio 20t të epesha bruto nuk është në përputhje me specifikim teknik të kërkuar në DT

Te ngarkesa nuk është në përputhje me specifikim teknik të kërkuar në DT

Te ngjyra: është kërkuar ngjyra e gjelbër ushtarake RAL 6031 në katalog s'ka kod shkruan vetëm olive green.

Te anësoret: 2x ramp atë ngarkimit me thyerje të gjata 2400+1800x700mm (+5) nuk është në përputhje me specifikim teknik të kërkuar në DT.

Te Cikrik: Mounting bolt pattern: Universal Standart nuk e ka në katalog ofertuesi

Te pajisjet: dy jastëkë pyke për rrotat e rimorkios që peshojë për rrotat e rimorkios që peshojë me shumë se 10 me kllapat e përshtatshme në pjesën e jashtme të rimorkios nuk e ka në katalog ofertuesi

### **Te sqarimet plotësuese dhe të detyrueshme mungojnë:**

Rimorkiot duhet të jenë të prodhuara me standarde të BE-se

OE fitues para porositjes së pozicionit obligohet të bëjë koordinim paraprak që rimorkiot të përshtaten me automjete të FSK-se (në lartësi, gjatësi dhe gjerësi sa i përket biges)

## INFORMACIONET SHITESË TË MARRA ME ANË TË SQARIMEVE TË KËRKUARA NGA ANA E EKSPERTËVE SHQYRTUES

Qasja në dokumentacionet të cilat gjenden në platformën e-prokurimi që janë publikuar dhe shtuar nga AK lidhur me këtë aktivitet të prokurimit dhe dokumentacionet e bashkangjitura nga operatorët ekonomik pjesëmarrës në këtë aktivitet të prokurimit, si dhe sqarimet e kërkuar nga ESH të datës: 17.06.2022 dhe përgjigjet e pranuar nga ZPP – Ministria e Mbrojtjes të njëjtën datë.

## VLERËSIMI SIPAS NENIT 4.1.26 TË LPP-së

*(Të jepet një vlerësim se OE ankues është apo nuk është palë me interes sipas nenit 4.1.26)*

///

## VENDIMET E MËPARSHMETË PSH-së LIDHUR ME RASTET E NGJASHME

*(Të sqarohet nëse për rastin e njëjtë është dhënë vlerësim tjetër).*

///

## ARSYETIMI PËR DEVIJIM NGA PRAKTIKA E MËPARSHME

*(Të sqarohet për rastin se pse është devijuar nga praktika e mëparshme).*

///

## PËRGJIGJE NË PRETENDIMET ANKIMORE TË OE ANKUES: “AGS Corporation” Sh.p.k. - Prishtinë

*- Eksperti shqyrtues, pas ekzaminimit të dosjes së tenderit, shqyrtimit të rrjedhës së procedurës së tenderimit dhe pretendimeve të palës në ankesë sqaron me sa vijon:*

### **Përgjigje në Pretendimi nr. 1**

Lidhur me pretendimin e operatorit ekonomik ankues, se AK ka shkelur nenin 1, 10, 11, 69 të LPP-se dhe disa pretendime shtese tek Deklarata detale mbi faktet dhe argumentet, tek ankesa pran OSHP-se te ndryshme nga kërkesa për rishqyrtim pran autoritetit kontraktues.

Duke pas parasysh se OE ankues në pajtim me **nenin 108/A të LPP-së**, ka pasur mundësi dhe është dashur që paraprakisht të gjitha pretendimet e veta ti parashtron pran AK, e që në rastin konkret OE ankuese, këto pretendim nuk e ka parashtruar fare pranë AK me kërkesën për rishqyrtim, **eksperti shqyrtues** bazuar në **nenin 109 të LPP-së** si dhe **paragrafit 9.2 të nenit 9** të dokumentit **F03 Rregullat për parashtrim te ankesave-verzioni 2**, ku thuhet: “Ankesa do te dorëzohet ne origjinal tek Organi Shqyrtues i Prokurimit “OSHP” dhe njëkohësisht, një kopje e ankesës do t'i dorëzohet Autoritetit Kontraktues. Pretendimet ankimore duhet te jene te njëjta me ato te paraqitura ne Autoritetin Kontraktues” si dhe **neni 13 par. 9 i Rregullores së OSHP-së Nr. 01/2020, e datës 03.03.2020**në të cilën thuhet: “Ankesat duhet të jenë të qarta, e shkurtër, dhe me pretendimet e supozuara që eventualisht janë shkelur nenet e caktuara të LPP-së, nga ana e autoritetit kontraktues. Pretendimet ankimore duhet të jenë të njëjta me ato të paraqitura për autoritetin kontraktues”, andaj nga të cekurat si më lartë pretendimet në fjalë nuk janë trajtuar nga eksperti shqyrtues.

### **Përgjigje në Pretendimi nr. 2**

Lidhur me pretendimin e operatorit ekonomik ankues, se AK na ka eliminuar me arsyetimin se: Tenderi juaj është refuzuar për këto arsye: I pa-përgjegjshëm nuk ka plotësuar minimumin e kërkesave te përcaktuara ne DT dhe ne njoftimin për kontrate sepse:

- Specifikimet teknike te detyrueshme (aneksi 1) nuk përputhen komplet me specifikimet teknike (aneksi 1) te kërkuara ne DT (te rimorkio 30t te ngjyra, te rimorkio 20t t epesha bruto nuk është ne përputhje me specifikim teknik te kërkuar ne DT
- Te ngarkesa nuk është ne përputhje me specifikim teknik te kërkuar ne DT

**Eksperti shqyrtues sqaron**, se duke u bazuar ne analizën e fakteve/dëshmime të dokumentuara ne platformën elektronike e-prokurim, rrjedhën dhe analizën procedurës se prokurimit, lidhur me këtë aktivitet të prokurimit, bazuar ne bazuar ne aneksi 1 te FDT-se, ku janë përshkruar specifikimet teknike për rimorkio 30t dhe 20 t me 3 akse për bartje, grupi OE ankues ne katalogun e prezantuar nga ana e tyre nuk është ne përputhje te plote me specifikimet teknike ne aneksin 1 te FDT-se, ku ne deklarate mbi faktet dhe argumente edhe operatori ekonomik ankues e potencon se “në katalog prezantohen pjesët kryesore te pajisjeve dhe vet pajisjet, mirëpo disa elemente qe nuk janë kryesore nuk prezantohen ne katalog” qe do te thotë se janë vetëdijshtëm se disa elemente te kërkuar tek specifikimet teknike ne aneksin 1 te FDT-se nuk janë prezantuar ne katalog, andaj bazuar nenin 72 par. 2 te LPP-se, ku thote: “**Autoriteti kontraktues mund të ftojë operatorët ekonomik për të plotësuar apo të qartësojë certifikatat dhe dokumentet e paraqitura në pajtim me nenet 65-71 të këtij ligji**”, si dhe nenin 39.8 te RRUOPP, ku thote:

Problemi	Si te veprohet?	Neni i LPP-se
Është dorëzuar katalogu por mungon specifikacioni teknik për mallrat e ofruara	Refuzo tenderin pa kërkuar informacion te mëtejshëm	69

Duke u bazuar ne këto fakte dhe duke pas parasysh kërkesën e AK te lartpërmendur dhe analizës se mësipërme vlerësojë se pretendimi i palës në ankese në këto pika **nuk janë të qëndrueshëm**.

### Përgjigje në Pretendimi nr.3

Lidhur me pretendimin e operatorit ekonomik ankues, se AK me arsyetimin e eliminimit:

**Te sqarimet plotësuese dhe te detyrueshme mungojnë:** Rimorkiot duhet te jene te prodhuara me standarde te BE-se. OE fitues para porositjes se pozicionit obligohet te bëjë koordinim paraprak qe rimorkiot te përshtaten me automjete e FSK-se (ne lartësi, gjatuesi dhe gjerësi sa i përket biges)

**Eksperti shqyrtues sqaron**, se duke u bazuar ne analizën e fakteve/dëshmime të dokumentuara ne platformën elektronike e-prokurim, rrjedhën dhe analizën procedurës se prokurimit, lidhur me këtë aktivitet të prokurimit, bazuar ne dokumentet e ofruara dokumentet e nënshkruar nga konsorciumi te nënshkruar dhe te vulosura , ku thotë: “*gjithashtu, obligohemi që para porositjes se pozicionit obligohet te bëjë koordinim paraprak qe rimorkiot te përshtaten me automjete e FSK-se (ne lartësi, gjatuesi dhe gjerësi sa i përket biges)*”, si dhe “Declaraton of Conformity” ne përputhet me direktivën e makinerive EC/EEC machinery directive 76/757, 76/760, 76/759, 76/758, 71/320, 77/538, 76/756, 92/23, 94/20, dhe 70/221, mirëpo askënd nuk ceket se keto direktiva janë sipas standardeve te BE-se, prandaj, sa i përket “koordinimit qe rimorkiot te përshtaten me automjete e FSK-se” grupi i operatoreve ekonomik ka plotësuar kërkesën e FDT-së, ndërsa lidhur me “Rimorkiot duhet te jene te prodhuara me standarde te BE-se”, prandaj AK – komisioni i vlerësimit nëse ka pasur dilema ka qene i obliguar te veproj sipas **nenin 59.2 dhe 72 të LPP-së**, si dhe bazuar ne **nenin 39 te RrUOPP-së** dhe te sigurohet se OE plotëson kërkesën e FDT-së dhe të evidentohet në raportin e vlerësimit, lidhur me këto certifikata se a janë ne përputhje me standardet e BE-se, pasi qe selia e prodhuesit është ne vendin e një shteti anëtar te BE-se. Duke u bazuar ne këto fakte dhe duke pas parasysh kërkesën e AK te lartpërmendur dhe analizës se mësipërme vlerësojë se pretendimi i palës në ankese në këtë pikë **është pjesërisht i qëndrueshëm**.

### Përgjigje në Pretendimi nr. 4

Lidhur me pretendimin e operatorit ekonomik ankues, se AK ka rekomanduar për kontrate OE për faktin se i njëjti ka bërë ndërhyrje ne katalogun e prodhuesit te cilin e ka prezantuar ne oferte. Nëse analizohet katalogu, përkatësisht faqet 2, 3, 4 dhe 5 i prezantuar nga i njëjti OE, shihet qartë se i njëjti ka kopjuar fotot e rimorkios nga dosja e tenderit dhe i ka vendosur si foto ilustrative ne katalog te cilin e ka prezantuar ne oferte. Me poshtë po i bashkëngjisim disa nga fotot te cilat OE i rekomanduar për kontrate i ka kopjuar nga dosja e tenderit dhe i ka vendosur ne katalogun e prodhuesit:

#### **Wheels & Tyres**

12 pieces + 1 spare wheel, disc (wheel) steel with tire size R17.5, spare wheel mounted on the chassis in the lowering and raising mechanism.



Photo for illustration

[www.emsmakina.com](http://www.emsmakina.com)

Towing hook incorporated in the automatic helmet, in accordance with ECE 55-01, compatible with NATO standards  
Length of the bracket 1500 mm, 50 mm, height of placement in the hook of the truck 1200 mm.



Photo for illustration

[www.emsmakina.com](http://www.emsmakina.com)

**Eksperti shqyrtues sqaron**, se duke u bazuar ne analizën e fakteve/dëshmime të dokumentuara ne platformën elektronike e-prokurim, rrjedhën dhe analizën procedurës se prokurimit, OE i rekomanduar për kontrate ka ngritur ne platformën elektronike e-prokurim autorizimin sipas FDT-se, dhe katalogun nga kompania “ERHAN MAKINA SISTEMLERI – EMS Makina” ne **formatin pdf**, ne pajtim me dosjen e tenderit, andaj lidhur me pretendimin se ka pas ndërhyrje ne katalog nga OE i rekomanduar për kontrate, OE ankues këto pretendime mund ti drejtohet institucioneve kompetent, pasi qe ne cilësinë e ekspertit shqyrtues, nuk jam kompetent dhe nuk mund te trajtojtohen nga eksperti shqyrtues.

### **Përgjigje në Pretendimi nr. 5**

Lidhur me pretendimin e operatorit ekonomik ankues, se AK ka rekomanduar për kontrate OE i rekomanduar për kontrate është i papërgjegjshëm, edhe për faktin se ne dokumentet e prezantuara përkatësisht ISO certifikatat, ne asnjërin prej tyre nuk ceket që prodhuesi në fjalë është prodhues i makinerive dhe rimorkiove ushtarake, mirëpo ne të njëjtat figuron se i njëjti është prodhues vetëm i rimorkiove për përdorime civile, prandaj edhe për këtë arsye është dashur të eliminohet sepse rimorkiot civile dallojnë nga rimorkiot ushtarake.

**Eksperti shqyrtues sqaron**, se duke u bazuar në analizën e fakteve/dëshmimeve të dokumentuara në platformën elektronike e-prokurim, rrjedhën dhe analizën procedurës së prokurimit, si dhe bazuar në kriteret e përzgjedhjes dhe aneksin 1 të FDT-se, - dosje të tenderit si dokument thelbore për përgatitjen e tenderëve nga OE e interesuar, askënd nuk është kërkuar se këto pajisje – rimorkion duhet të prodhohen nga prodhuesi i makinerive dhe rimorkiova ushtarake, andaj konsideroj se duke u bazuar në këto fakte dhe duke pasqyruar kërkesën e AK të lartpërmendur dhe analizës së mësipërme vlerësojë se pretendimi i palës në ankese në këtë pikë **nuk është i qëndrueshëm**.

### **Përgjigje në Pretendimi nr. 6**

Lidhur me pretendimin e operatorit ekonomik ankues, se AK ka rekomanduar për kontrate OE i rekomanduar për kontrate është i papërgjegjshëm edhe për faktin se i njëjti nuk ka ofruar konform kërkesave të përcaktuara tek Specifikat teknike të rimorkios 20t me 3 akse për bartje të automjeteve, ku një nga kërkesat ka qenë: **“OE duhet të ofroj manualin se paku në gjuhën angleze për përdorim dhe mirëmbajtje të rimorkios”**.

**Eksperti shqyrtues sqaron**, se duke u bazuar në analizën e fakteve/dëshmimeve të dokumentuara në platformën elektronike e-prokurim, rrjedhën dhe analizën procedurës së prokurimit, OE i rekomanduar për kontrate ka prezantuar një deklaratë, ku thotë: **“deklaron se në rast se shpërblehemi me kontratë si fitues në këtë aktivitet të prokurimit dot e ofroj manualin se paku në gjuhën angleze për përdorim dhe mirëmbajtje të rimorkios”**, prandaj duke marrë për bazë se kjo ka qenë kërkesë e dosje të tenderit dhe OE i rekomanduar për kontratë nuk ka ofruar manualin e përdorimit dhe mirëmbajtjes, prandaj AK – komisioni i vlerësimit ka qenë i obliguar të veprojë sipas **nenin 59.2 dhe 72 të LPP-së**, si dhe bazuar në **nenin 39 të RrUOPP-së** dhe të sigurohet se OE plotëson kërkesën e FDT-së dhe të evidentohet në raportin e vlerësimit, pasi që ka dorëzuar katalogun, autorizimin dhe deklaratë lidhur me manualin e përdorimit. Duke u bazuar në këto fakte dhe duke pasqyruar kërkesën e AK të lartpërmendur dhe analizës së mësipërme vlerësojë se pretendimi i palës në ankese në këtë pikë është pjesërisht i qëndrueshëm.

### **Përgjigje në Pretendimi nr. 7**

Lidhur me pretendimin e operatorit ekonomik ankues, se AK ka rekomanduar për kontratë OE ashtu siç edhe e kemi cekur edhe më lartë është i papërgjegjshëm edhe për faktin se i njëjti në lidhje me kërkesën - **Rimorkiot duhet të jenë të prodhuara me standarde të BE-se**. Këtë pretendim e kemi sqaruar më lartë tek arsyet e eliminimit të kompanisë tonë. Deklarata e tillë nuk duhet të merret parasysh për faktin se e njëjta deklaratë nuk e vërteton me fakte konkrete se rimorkiot do të prodhohen sipas standardeve të BE-së, sepse e njëjta deklaratë është bërë nga vet OE i rekomanduar për kontratë dhe një deklaratë e tillë mund ta bëjnë të gjithë OE ofertues, mirëpo e njëjta nuk mund dhe nuk duhet të merret parasysh dhe nuk konsiderohet valide përderisa nuk lëshohet nga vet prodhuesi.

OE i rekomanduar për kontratë nuk ka ofruar as deklaratë për A-test apo ndonjë sqarim edhe pse ka qenë obligative të sqarohet dhe jepet të paktën një deklaratë në lidhje me këto A-teste, sipas Aneksit 1 të dosjes së tenderit.

**Eksperti shqyrtues sqaron**, se duke u bazuar në analizën e fakteve/dëshmimeve të dokumentuara në platformën elektronike e-prokurim, rrjedhën dhe analizën procedurës së prokurimit, OE i rekomanduar për kontratë ka dorëzuar deklaratë ku thotë: **“Se rimorkiot e ofruara në këtë aktivitet të prokurimit do të jenë të prodhuara me standarde të BE-se”**, mirëpo nuk ka ofruar ndonjë dëshmi nga prodhuesi se këto pajisje do të jenë të prodhuara sipas standardeve të BE-se, gjithashtu mungojnë A-teste, prandaj AK – komisioni i vlerësimit ka qenë i obliguar të veprojë sipas **nenin 59.2 dhe 72 të LPP-së**, si dhe bazuar në **nenin 39 të RrUOPP-së** dhe të sigurohet se OE plotëson kërkesën e FDT-së dhe të evidentohet në raportin e vlerësimit, pasi që ka dorëzuar katalogun, autorizimin dhe deklaratë lidhur me standardet e BE-se. Duke u bazuar në këto fakte dhe duke pasqyruar kërkesën e AK të lartpërmendur dhe analizës së mësipërme vlerësojë se pretendimi i palës në ankese në këtë pikë është pjesërisht i qëndrueshëm.



### **Përgjigje në Pretendimi nr. 8**

Lidhur me pretendimin e operatorit ekonomik ankues, se Ne me dt. 20.05.2022 kemi pranuar vendimin për refuzim të kërkesës për rishqyrtim, ku ne këtë vendim nuk është dhënë asnjë përgjigje në pretendimet tona ankimore, por vetëm është cekur se refuzohet si e pa bazuar kërkesa për rishqyrtim, prandaj edhe ky fakt tregon qartë se kërkesa jonë për rishqyrtim dhe pretendimet tona ankimore kanë qenë të bazuara plotësisht dhe për këtë arsye AK-ja nuk ka mundur të jep përgjigje konkrete në lidhje me këto pretendime ankimore.

Mos arsyetimi i vendimit për refuzim përbën shkelje të nenit 108/A paragrafi 9 i LPP-së, sepse aty ceket decidivisht ***“Refuzimi do të arsyetohet dhe do të komunikohen me shkrim, në përputhje me këtë ligj, parashtuesit të ankesës dhe të gjitha palëve të interesuara, nëse ka ndonjë”***.

Pra AK-ja nuk e ka respektuar edhe nenin 108/A të LPP-së, sepse nuk është arsyetuar fare vendimi për refuzim të kërkesës për rishqyrtim, e që ky veprim nënkupton se pretendimet tona ankimore kanë qenë të bazuara dhe me këtë rast edhe AK-ja në mënyrë implicite e ka pranuar këtë fakt, me mos dhënien e përgjigjeve në pretendimet tona ankimore.

**Eksperti shqyrtues sqaron**, se duke u bazuar në analizën e fakteve/dëshmive të dokumentuara në platformën elektronike e-prokurim, rrjedhën dhe analizën procedurës së prokurimit, lidhur me këtë aktivitet të prokurimit, OE ankues përmes platformës elektronike e-prokurim ka pranuar kërkesë për rishqyrtim me datë 15.05.2022, ndërsa ZPP ka pezulluar aktivitetin e prokurimit në platformën elektronike, duke vepruar në pajtim me **nenin 108/A par. 2 të LPP-së**, ku thotë: ***“Dorëzimi i një kërkesë për shqyrtim e obligon autoritetin përkatës kontraktues që automatikisht të pezulloj zbatimin e aktivitetit të prokurimit me të cilin ka të bëjë shkelja e pretenduar”***, pastaj ZPP me datë 20.05.2022 përmes platformës elektronike e-prokurim nxjerr vendimin mbi refuzimin e kërkesës për rishqyrtim, duke mos vepruar në pajtim të plote me **nenin 108/A par. 9 të LPP-se**, ku thotë: ***“Refuzimi do të arsyetohet dhe do të komunikohen me shkrim, në përputhje me këtë ligj, parashtuesit të ankesës dhe të gjitha palëve të interesuara, nëse ka ndonjë.”*** si dhe **nenin 108/A par. 12 të LPP-se, ku thotë: *Kundërshtimet dhe vendimet e miratuara në përputhje me paragrafët 8 dhe 10 të këtij neni, duhet të jenë të arsyetuara dhe të komunikohen me shkrim, në përputhje me këtë ligj, parashtuesit të ankesës dhe të gjitha palëve të interesuara, nëse ka ndonjë”***, që do të thotë se AK – ZPP ka qenë i obliguar të veprojë në pajtim të plote sipas nenev dhe sqarime si më lart, pasi që vendimi i nxjerr nga ZPP i datës 20.05.2022 i mungon pjesa kryesore – dispozitivi (arsyetimi i refuzimit të kërkesës për rishqyrtim). Duke u bazuar në këto fakte dhe analizës së mësipërme vlerësojë se pretendimi i palës në ankese në këtë pikë **është pjesërisht i qëndrueshëm**.

### **Përgjigje në Pretendimi nr. 9**

Lidhur me pretendimin e operatorit ekonomik ankues, se AK ka rekomanduar për kontratë OE në po të parashtrojmë këto pretendime dhe kërkojmë nga eksperti shqyrtues nxjerr konstatime me fakte konkrete në lidhje me këto pretendime tona ankimore, pra të analizohet në tërësi i tërë dokumentacioni dhe të konstatohet se a e ka autorizimin nga prodhuesi, nëse e ka është konform FDT-së, a e ka listën e kontratave dhe referencat dhe nëse i ka a i ka konforme kërkesave të FDT-së.

**Eksperti shqyrtues sqaron**, se duke u bazuar në analizën e fakteve/dëshmive të dokumentuara në platformën elektronike e-prokurim, rrjedhën dhe analizën procedurës së prokurimit, bazuar në dokumentet e prezantuar nga OE i rekomanduar për kontratë ka prezantuar autorizimin ashtu siç kam dhënë sqarim tek pretendimi me nr. 4, ndërsa lidhur me pretendimin sa i përket, Kërkesat mbi mundësitë teknike dhe/ose profesionale neni 9.1 & 9.2 të FDT-se, kërkesa 8/evidenca 8, sqarojë se OE i rekomanduar për kontratë ka prezantuar listën e kontratave me referenca dhe pranime teknik, mirëpo vlerësimi, ekzaminimi dhe krahasimi i tenderëve është në diskrecion të AK, respektivisht komisionit të vlerësimit, dhe AK – komisioni i vlerësimit nuk kanë hasur në ndonjë dyshim lidhur me këtë pikë. Duke u bazuar në këto fakte dhe duke pas parasysh kërkesën e AK të lartpërmendur dhe analizës së mësipërme vlerësojë se pretendimi i palës në ankese në këtë pikë **nuk është i qëndrueshëm**.

Gjithashtu, **Eksperti shqyrtues sqaron**, se duke u bazuar në analizën e fakteve/dëshmive të dokumentuara në platformën elektronike e-prokurim, rrjedhën dhe analizën procedurës së prokurimit, lidhur me këtë aktivitet të prokurimit, AK – komisioni i vlerësimit, **nuk ka respektuar në tërësi nenin 7, 59, 72, 108/A të LPP-së, dhe nenin 39.8 të RRUOPP-së**, andaj **Është përgjegjësi, dhe në diskrecion të Autoritetit Kontraktues, respektivisht komisionit të vlerësimit – ZPP**, që procesi i vlerësimit, ekzaminimit dhe krahasimit të behet në harmoni të plote me dispozitat ligjore të LPP-se, në këtë aktivitet të prokurimit, në mënyrë që të respektohen kërkesat e përzgjedhjes, specifikimet teknike Aneksi 1 në dosje të tenderit si dhe të respektohen kriteret e dhënies.

**Eksperti shqyrtues sqaron**, se autoritetet kontraktues janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit, ashtu siç parashihet në **nenin 6 të LPP-së**, autoriteti kontraktues duhet të ketë në konsideratë edhe **nenin 1 të LPP-së**, pasi që dihet se qëllimi i këtij ligji është të siguroj mënyrën më efikas, më transparent dhe më të drejtë të shfrytëzimit të fondeve dhe burimeve publike.

## **MENDIMI I EKSPERTIT SHQYRTUES**

Duke u bazuar në faktet, sqarimet e lartpërmendura dhe të gjeturat tjera në këtë raport, eksperti shqyrtues i propozon panelit shqyrtues që ankesat e grupit të OE: **“AGS Corporation” Sh.p.k. & PK D.o.o., Prishtinë, aprovet si pjesërisht e bazuar**, dhe rekomandon të anulohet B58-njoftimit mbi vendimin AK (*vendimit për dhënie të kontratës*) dhe lënda të kthehet në **Ri-vlerësim**, duke respektuar në tërësi dispozitat ligjore të LPP-së.

*Raporti i ekspertizës ti dorëzohet:*

- *Autoritetit Kontraktues* – *Ministria e Mbrojtjes*
- *Panelit Shqyrtues* – *OSHP*
- *OE ankues* – *“AGS Corporation” Sh.p.k. & PK D.o.o., Prishtinë,*